

THE ENGINEERING POST

程報

2015年5月刊 啟·程

ESU招組爸媽
火速報名

會員福利
大放送

來年活動
精彩推介

新莊上任
Ex-co自介

編者 的話

ESU 步入了第 23 個年頭，而我們第 22 屆 EX-CO 亦已正式上任！但畢竟我們的上任時間尚短，各位會員未必了解我們。故此，本年度第一本「程報」將會以「啟程 (Our Journey Starts)」作為主題，希望大家對我們以及我們的年度計劃有更深入的認識！

去年 11 月，我們以 Clarion 的名義，經歷了為期半個月的宣傳週，向一眾科大學生展示我們的理念與熱誠。最後，全賴大家對我們的支持和肯定，才能順利通過選舉，並在 2 月中正式上任！

從去年 11 月的 Pro-P 直至二月中舉辦的就職典禮，我們的口號及誓言都離不開「服務會員，並團結工學院學生」的宗旨。服務工程學生，需要充分理解學生的需要，故此我們需要經常收集會員的聲音；而團結工學院學生會，更需要每一屆 EX-CO 默默耕耘，經過數屆甚至數十屆的努力，才能將聲望逐漸提昇。正是他們無私的付出造就了今天的 ESU。而我們亦祝願 ESU 的薪火可以繼續傳承，十年、百年，繼續綻放美麗光華！

來年我們將會積極籌辦更多活動予一眾會員，例如舉辦「Engineering Mentoring Program」，給同學有機會與專業工程師交流，令他們對將來的就業前景有更進一步認識。

最後我想對各位會員及莊員說一句話：「要跑，我地一齊跑！」前路漫長，但你們並不孤單，十四位莊員將會在未來一年與大家手牽手、肩並肩，攜手克服難關，互相鼓勵扶持，一起走過這段路！

EX-CO 們 講 呢 D

Hey! 大家好~我就係ESU嘅P — 柯寶^^
我平時最鐘意就係吹水、打波同睇戲
(包括食花生xdddd)
有咩心事同無聊嘢都可以同我傾架,
行過Counter記住yo下找啦。
任何人都歡迎架^^
ESU大家庭歡迎你:)



柯寶

大家好啊，我係EVP jer肥呀。我份人
最廢就係讀書，學業上嘅野唔洗搵我啦
，問其他莊員bb啦!不過如果大家有咩
想玩但係差隻腳就叫埋我啦~打波打牌
咩都得架。大學就係要就盡興嘛xd

Jerfat
Sam



Hi guys~ 朕乃IVP 呀Sam。
得間冇野做嘅時候(其實就算臨final、
傾緊緊要嘢…總之幾忙都好)都會見到我玩
緊電話 玩乜game? 神魔囉~個game抄人?
關我乜事，好玩咪得! 同志們得閒add我啦

☺ω☺

古天樂

Hi! 你有睇錯，我係古天樂。呢個名係「真」名，源於我英文名Koo Tin Lok。全科大會自稱古天樂嘅基本上得我一個。作為一個N展仔，我咩野都識D。仲有，我係今屆ESU傳說中既Clarion[音: Carry人]! 學術嘢、Technical嘢，輕鬆啦xD。

平時我有嘢做無無聊聊就會R水吹。所以有嘢有嘢都好，ESU counter歡迎你!!



Nick



Hey guys~
我係ESU嘅
Fin Sec Nick 呀 :)
平時我最鍾意就
係聽k-pop同埋睇波。
無論係英超、西甲、
足德甲我都啱架xdd!!
得閒無嘢做個時可以嚟
counter 搵我吹水架。
p.s. 雖然我係Fin sec 但係
如果問我借錢嘅話
我!係!唔!會!彩!你!架!
xdddd

Hi-我係ESU嘅Gen Sec Felix 呀!
叫得做 General Affairs, 咁梗係乜
都要做啦! 執紙皮、買飯、搬嘢
...呃...唔係, 其實Book 場、準備
物資先至係我嘅工作。不過你有
其他問題, 都可以隨時嚟搵我,
不過...唔包保一定幫到你架!

Hi-我係In Sec呀羊呀! 平
時除左mark minutes, 無嘢
做果陣最鍾意就係周圍fing,
落完堂喺counter就會搵到我。
不過記住唔好叫我Yoyo!!
我會唔應你架! 得閒就嚟
counter 搵呀羊啦!

Felix

羊



通

吾乃ESU之PubSec，請安於諸位。今幸為22屆Ex-co，事眾會員…… 0_0

哈!其實Pub Sec就唔一定要精通語文嘅，只要無語癌就做得架啦!有人成日話我係文青，其實我就無睇古文同散文嘅~(_)~可能係Pub Sec呢個名太勁，我實在擔當唔起呀...

(以下為宣傳)ESU有Facebook Page, Instagram同Youtube Channel架!我地每隔一段時間都會有更新，大家記住去Like同Subscribe呀!!!



Leo



Hello from the Acad Sec ~~ Hi 我係Acad Sec Leo 利奧呀。我識好多嘢架!除左最新、最hit嘅歐美歌之外，所有類型嘅餅乾都識架2333想問過三爆四嘅秘訣同埋其他所有學術FAQ就過嚟counter搵我啦AwA

Hi!我就係ESU嘅Sports Sec Adrian。唔好睇我好似好瘦咁，其實係長跑身形啫(好似係)。來年希望大家多多指教，多D打波啦!

Adrian



大家好呀 :) 我係Pro Sec Franco! 最中意訓覺同食花生! 講返我個post先，都係設計下poster同諗下design，有時就拍下video。輕鬆嘅，反正我要求好低，我嘅存在只係為咗平衡返超高要求嘅另一個Pro Sec!

Franco



Anthea

Hi~ 我係ESU最charm嘅男莊員Pro Sec Anthea 呀 :-)
俾面嘅大家都可以叫我一聲An姐嘅。Me平時
最中意就係chur大家通宵，通宵打牌唱K打機
睇戲咩都得。無論係夜晚訓唔著定係第二朝
空堂無野do，都歡迎嚟搵我吹水嫁!! xd



Rocco

Hello~~我係Mark Sec Rocco呀~~
我平時最中意就係玩同訓，所以如
果大家有咩新野玩或者去邊度玩都
可以搵埋我架! indoor, outdoor都
有問題架>_<不過太夜就唔好啦，
唔係就唔 夠訓架啦!!



Claudia

Hello~o(*°▽°*)o
我係Mark Sec Claudia呀!
叫我Clau都可以架:)我負責
搵sponsor，亦係支莊入
面唯三嘅女莊員之一(._.)
平時鐘意周圍玩同食haha..!
得閒嘅話會拉下琴同睇下動
漫(我一d都唔毒!!!)
鐘意得意嘅野(☆☆)
有時太眼訓會進入發呆
狀態(・3・)得閒
可以搵我吹水
(' ▽ ')/



年度計劃 2016-2017



① Welfare Delivery I & Publication I

ESU 準備咗各種實用嘅 Welfare 比大家!! 唔好錯過啊!

①

② Orientation Camp
暑假又到啦, ESU 為你呈獻最好玩嘅 O-Camp! Campfire, Party night, On/Off-Campus 同埋成班人一齊玩, 最開心嘅 Mass Game.

②

⑤ Sub-Com Function
想唔想試下整一個活動出嚟呢? 今次嘅主題係一密室逃脫

⑥ Welfare Delivery II & Publication II

ESU 再一次準備咗豐富嘅 Welfare 比大家, 記住嚟拎啊!

⑤

③ Orientation Week

開學啦, ESU 為你帶嚟各種產品: EX-CD 精心設計嘅 Soc Tee 同文具套裝, 記得要嚟買啦!!

④

④ Welcoming Dinner

我地準備咗豐盛嘅盆菜宴, 等住 ESU 嘅會員們。希望大家食完會過三爆四啦! ~

⑦ Joint Union Sports Tournament

想唔想同其他 School 嘅人玩運動呢?

ESU X BSU X SSU X HSSU

⑦

把握呢個機會去識下其他 School 嘅同學仔啦!!

⑧ Engineering Mentoring Program

我地邀請咗多位專業工程師嚟到科大, 比大家一個同佢地交流嘅機會, 甚至同佢地做埋朋友添!

⑧

⑨ Firm Visit II

今次 ESU 又會帶大家去邊呢!! 飛機? 鐵路? 電子零件? 定係巴士公司呢? 想知就要留意我地嘅公佈啦!

⑨

⑩ Sales of Society Jackets

寒冬將至, ESU 準備咗外觀以及保暖能力都十分出眾嘅 Hoodie 比大家, 到時記住嚟買啦!!

⑩

The 22nd

Inauguration Ceremony Prelude

of The Engineering Students' Union, HKUSTSU,
Session 2016-2017



香港科技大學學生會工學院學生會第22屆就職典禮已於二月二十五日完結。是次典禮幸獲香港工程師學會會長陳志超、香港科技大學工學院代理院長余同希教授、本會第二十一屆會長林芷筠小姐以及其他貴賓出席典禮，見證這歷史性的一刻。

本次典禮主題為「Prelude」，意味著第二十二屆幹事會將於此處展開他們為期一年的任期，並於來年繼續本著服務工程系學生的宗旨，舉辦更多精彩的活動。

典禮期間，各位來賓見證了交接屬會印章及宣讀誓詞的儀式。其中三位尊敬的來賓更發表演講，鼓勵我們。



Our Oath:

We, the 22nd Executive Committee of The Engineering Students' Union, promise, to serve our members, unite the engineering students, and uphold the reputation of the Union, with our utmost effort.

Our journey begins...

White Valentine's Day

白色「程」人節

3月14-16日期間，ESU於LGS設置了攤位，與科大的同學共同歡度白色「程」人節！

一眾EX-CO準備了各種道具，譬如設置於攤位的日式鳥居，象徵著幸福的大門；我們亦同時準備了「幸運、學業、友情、出池」四款御守以及御神籤，希望能夠祝福並鼓勵科大的同學！



十分搶眼的鳥居裝飾！
不少同學前來合影留念！



在科大的另一端，我們亦準備了一個特別活動。將早前準備好的玫瑰花派發予科大的同學，並鼓勵他們送花給朋友。

希望科大的各位能渡過一個幸福的「程」人節！

O-CAMP

Recruit JoBama

曾經有一個強大的變種人，打算將他眼中弱小的人類消滅殆盡。然而卻在千年前意外陷入沉睡。但千年後他再度蘇醒，準備重啟他的滅世計劃。他，名為「**天啟**」

21世紀的今天，有一群正義的變種人得悉天啟的計劃，並準備傾盡全力阻止他。但同時，天啟亦召集了數名強大的變種人協助他執行計劃。

雙方的交戰範圍不斷擴大，及至科大！正邪雙方準備在這裏上演一場驚天動地的戰鬥，身處科大的你又會選擇何方呢？

喂喂喂！！
ESU 仲招緊組爸嘅架～
一齊嚟 Join 最好玩嘅
ESU O-CAMP，識一班
充滿活力嘅組仔㗎
一齊度過最豐盛嘅暑假啦！！

宜家仲 Join 得架！！

組爸媽：SPY:

Member: \$220 Member: \$280

Non-Member: \$260 Non-Member: \$330

聯絡人: Sam (90741147)



Welfare Delivery

ESU派Welfare啦!!



一包糖果，兩種飲品，
三款文具，四張Coupon。
無限可能，盡在其中~~
(猜一樣物品)

ESU Member 福利



相信智慧過人嘅ESU Member一定
估到答案!

你問擺獎品? 我無話過有獎品架!

不過見你地咁聰明! 一於送你地EX-CO嘅電話同
ITSC, 有咩困難或者唔開心都可以搵我地架!!

職位	名 / 花名	電話	ITSC
會長	柯賢	6428 1516	kpor
內務副會長	Sam	9074 1147	kchwongbb
外務副會長	Jerfat	6378 3027	ccyipaa
內務秘書	羊	9423 4533	kwyyeung
外務秘書	古天樂	6804 2143	tlkoo
財政秘書	Nick	6094 5126	tfauaa
出版秘書	通	6223 4972	ytchengai
常務秘書	Felix	6767 7754	pklauae
體育秘書	Adrian	9764 3220	ayangaa
市場拓展秘書	Rocco	6077 5538	rleungab
市場拓展秘書	Claudia	9134 9531	wkyipad
學術秘書	Leo	6892 6991	clleungae
宣傳秘書	Anthea	6199 8817	yysuenaa
宣傳秘書	Franco	6079 2518	cnlauac

特別鳴謝 Acknowledgement:



印圖社 晒圖·噴畫專門店

PRINT CITY



Fax: 2335 1728

Email: su_esu@ust.hk

Website: <http://esu.ust.hk/>

Mail Address: Mail Box #67, Student Amenities, L6S,
HKUST, Clear Water Bay, Kowloon, Hong Kong

Facebook:
The Engineering Students'
Union, HKUSTSU

Instagram:
[esu_hkustsu](#)

Youtube:
[ESU HKUSTSU](#)



香港科技大學學生會工學院學生會出版
Published by The Engineering Students' Union,
HKUSTSU, Session 2016 - 2017